

32815/P 7271

DISSERTATIO INAUGVRALIS MEDICA
DE
PARENTVM MORBIS
IN FOETVM TRANSIENTIBVS.

QVAM
PROPITIO DIVINI NVMINIS MODERAMINE
CONSENTIENTE GRATIOSA FACVLTATE
MEDICA

IN ACADEMIA HIERANA
PRO GRADV DOCTORIS
SVMMISQVE IN MEDICINA HONORIBVS AC PRIVILE-
GIIS RITE IMPETRANDIS BENEVOLO ERVDITO-
RVM EXAMINI SVBMITTIT

IOANNES LAVRENTIVS NOLDE

SAXO-GOTHANVS

REV. CAPIT. HAMBVRG. VIC. IMMVN. ET MEDIC. PRACTIC.

D. III. DECEMBR. MDCCLXVIII.

ERFORDIAE,


STANNO NONNIANO, ACAD. TYPEGR.

ADICIA, THE TOWN OF STANLEY

SINCE THE TOWN OF STANLEY
WAS FOUNDED IN 1881

THE TOWN OF STANLEY
HAS GROWN TO BE ONE OF THE
MOST IMPORTANT TOWNS IN THE
PROVINCE





Q. D. B. V.

PROOEMIUM.



Fœtus permultis in vtero jam laborare morbis, exclusi demortuique & post matris mortem excisi satis superque docuerunt. Errant quidem qui omnem fœtum exclusum languentem, immo mortuum, in vtero jam morbo laborasse vel demortuum fuisse putant, dum, si ceteroquin recte constitutus sit, exitum suum sanis beneque valens petere, & a quouis tantum obstaculo iter retardante, quorum numerus ma-

A

gnus



gnus est, imbecillis fieri, immo etiam mortem obire, potuerit. Errant etiam qui foetum natum sanum nullo in vtero morbo adfectum fuisse perhibent, quum tamen, vti extra vterum, profligata morbi causa, cum sanitate iterum in gratiam redire possit. Parentum porro morbos in embryonem transire posse, quotidiana constat experientia. Podagricorum vero hecticorum, phthiicorum cet. parentum liberos, dum iisdem morbis, ineunte ætate, adficiuntur, morbo hæreditario laborare, vt medicastrorum vulgus ait, perhibere statim haud licet; quia, parentum vitæ genus sectantes, eundem morbum sibi hac ratione contrahere possunt: verosimilius tamen esse videtur, si matris morbis laborent. Speciminis igitur inauguralis loco thema hoc eligere libuit, & de his atque illis, quantum vires & limites mihi præscripti sinent, agam. Primo itaque, quid mihi sit morborum parentum in foetum transitus, dein quomodo ex utroque parente morbi in hunc transire, aut foetus quouismodo adfici possit, indicabo. Foetus igitur morbos in quinque classes diuidi: pendent enim vel a patre, vel a matre, vel a foetu ipso, vel a mola cum foetu in vtero vna crescente, vel a rebus externis in matris corpus aut embryonem ipsum agentibus. Ad patrem quod attinet, illum morbos vel per semen suum, vel per eius materiem nociuam exhalantem inque matris corpus resorptam & eius humoribus mixtam, communicare arbitor. Matris vero morbos quam plurimos,



mos, tam vniuersales quam particulares, immo omnes interdum eius inopinatas mutationes ab animi adfectibus pendent, in foetum agere posse, nemo ibit inficias, & quando non iidem in illo morbi producuntur, laedi tamen diuersimode, immo enecari potest foetus. Mala etiam foetus conformatio, vel eius partium, vt placentæ, funiculi vmbilicalis, membranarum, aquarumue morbi aut præternaturale aliquod, eius sanitati vitæque limites ponere possunt. Quid mola aliaue concrementa hydatidosa cum foetu in vtero vna habitantia, exque illo succum suum nutritium simul haurientia, in foetus vitam sanitatemque valeant, viri artem obstetriciam facientes optime sæpiusque experiuntur. Rerum porro externarum in matris corpus vel foetum ipsum actionem sæpeque nociuam, quotidie obseruare licet. Hisce pertractatis tandem de morborum foetus signis, horumque præseruatione & medela in genere agam.





DE PARENTVM MORBIS IN FOETVM TRANSIENTIBVS.

§. I.

Si foetus jam in vtero, vel etiam illo exclusus eiusmodi laborat morbis quibus parentes laborant, vel antea laborauerunt, hi morbi a parentibus in foetum in vtero contentum jam transiisse dicitur. Videamus igitur, an & quomodo id fieri possit?

§. II.

Ad hominis procreationem mas & foemina requiruntur: hic imprimis suum confert per semen virile, illa vero per ouula sua. Quando itaque patris morbi in embryonem transire debent, id vel per semen suum, vel alia adhuc ratione fieri debet.

Scholion.

Seminis ouulorumque ad procreationem necessitatem nemo
hodie

hodie negat: an vero in femine virili volatile, spirituosum aut elasticum principium, secundum Harueium, an potius animalcula minutissima viua anguillarum similia, secundum Leeuwenhoeckium, eosque qui hos secuti sunt, essentiale sit, de hac re & hodie sub iudice lis est, & diu etiam forsan erit.

§. III.

Per semen virile vitiosum transitum morborum fieri posse in embryonem, aliqui putant: illud autem ad procreationem prorsus inutile esse, hinc etiam morbos in foetum propagari haud posse arbitror; sicuti enim omnes corporis humani secreta fluida vitiosa, corrupta, suos non amplius praestant in illo effectus, ita etiam semen corruptum, siue respicias volatile, spirituosum, vel elasticum seminis principium, siue animalcula minutissima viua in illo contenta, nullam conceptionem, hinc etiam nullum verum embryonem, multo minus morbum vllum in eo producere potest.

Scholion.

Quum semen proprie sic dictum, teste Ill. Hallero, a) sit liquor flauescens, tenuis, aquosus, viscidus tamen vesiculis suis conseruatus, qui sub coitu cum prostatae liquore commistus in vaginam vel vterum eiiciatur, patris morbos per hoc semen mixtum matri communicari posse haud quidem nego,

a) Prin, lin, physiol. edit. III. p. 380. §. DCCCLXXIII.



nego, id enim solummodo nego, foetus a vitiosi patris semine generari & infici posse. Virus sit e. g. venereum: gonorrhoea virulenta laborans pater, semine stricte sic dicto nondum vitiato, si foecundum coitum exerceat, inficere quidem potest matrem, haud vero foetum, illum autem ab hac iterum infici posse arbitror.

§. IV.

Valetudinarios, quorum corporis tam fluidæ quam solidæ partes vitiatae essent, gignere tamen posse liberos, id que in primis memorabile esse, & eorum sententiam probabilem reddere, rufum scilicet patrem solo seminis ope rufos interdum iterum procreare liberos, & æthiopam ab europæo impregnatam non edere nigrum foetum, imo nonnunquam morbos & corporis animique vitia, in familia diu ab avis ad filios conservata iterum in foetu edito adultoque conspici, contrariam tuentes sententiam forte respondebunt. Ad utrumque responsum dabo.

§. V.

Ad valetudinarios quod attinet, hi nunquam, respondeo, id si verum esset, sanos generare possent foetus; quot vero liberi validi, sani, fortes & formosi, a patribus non bene valentibus, podagricis, hecticis, phthificis, melancholicis, gibbosis, surdis, cæcis, &c. procreantur? formosorum contra, fortium validiorumque parentum liberi, deformes sæpe, timidi

di ac morboſi deprehenduntur: hinc ſanitatſis vel aduerſæ valetudinis infantum ratio, non in ſemine patris ſolo latere poteſt; alias enim, poſita hac cauſa, idem ſemper effectus ſequi deberet. Ad hæc accedit, quod, quando valetudinarii liberos adhuc gignere poſſunt, horum ſemen etiam corruptum dici nequeat; namque corrupta fluida ſecreta, vti ſupra iam dixi, ſuos efficere haud poſſunt effectus, & corruptum in morbis malignis fluidum nerueum ſtatim ſequitur motum & ſenſuum deprauatio, immo horum plenaria abolitio, & deprauata ſaliua, liquor gaſtricus, pancreaticus & bilis, ſemper lædunt chymificationem, chyliſicationem, ſanguificationem &c. Quod vero in valetudinariis bona adhuc liquida, licet minori copia, ſecerni poſſint, horum actionum non plenaria abolitio, ſed imminutio tantum probat.

§. VI.

De morbis ſæpe falſo hæreditariis dictis in diſſertationis meæ præmiſſo jam quædam locutus ſum, & huc etiam animi refero vitia; quæ ſæpius in mala magis educatione, vitæque genere incongruo, quam imaginaria quadam hæreditate rationem habent. Quod vero ad corporis vitia, vt ſunt mala corporis totius vel partium conformatio, næui, aliaue vitia externa attinet, hæc vel caſui, vel cauſis in matre exiſtentibus, vel actioni corporum externarum in matris corpus agentium, cuiusque imaginationi in fœtum, licet modum



dum minus intelligamus, dum solummodo per experientiam constet, agenti, annumeranda esse videntur.

§. VII.

Quum itaque patris morbi, vel eiusdem quæcunque vitia, per semen virile embryoni communicari posse non videantur, nullam aliam inuenire possum viam, qua, si fieri posset, in foetum transire queant, nisi per matrem, & quidem dum nociuam per transpirationem aliasque vias exeuntem materiem inhalet, & per humores suos foetui tradat: idque ita fieri posse, virus venereum, variolaceum, icterus, cet. probat, quo embryones jam in vtero infectos fuisse observatores adfirmant. Me hic autem de eiusmodi morbis loqui, qui communicabiles sunt, & cœcitatem, surditatem, aphoni- am, næuos maternos cet. excludere, quiuis facile intelliget.

§. VIII.

Ad matrem abeo, quatenus hæc morborum foetus causam in se continet. Quia foetus eius pars est, & matris humoribus nutritur, inque eius corpore ab his incrementum capit, omnibus etiam morbis, qui in matris humoribus, eiusque corpore in genere rationem habent, laborare potest, & licet non iidem morbi ad foetum transeant, diuersi- mode tamen ab his lædi, immo enecari potest foetus. Ma- tris autem in foetum agentes morbi, vel corpus, vel animi adfectus respiciunt. Si corpus adficiatur, vel totum corpus,
vel



vel partes quædam solummodo laborant. Ab his & illis lædi potest fœtus. De morbis itaque totum matris corpus infestantibus primo dicam, dein & de morbis partium loquar.

§. IX.

Quando morbo quodam totum corpus adficiente, quos omnes enumerare superfluum censeo, laborat & languet grauida, languet & fœtus, quod quidem primis morbi diebus mater non semper animaduertit, dummodo vero perdurat morbus, & fœtus jam motus in vtero sensibiles edidit, quod medium circa grauiditatis terminum fieri solet, b) hos interdum motus grauida in morbi principio magis quidem sentit, sed silent tandem omnes, certo signo & fœtum laborare. Ne dicam de morbis specialibus quibus mater adfici potest, ut lue venerea, variolis, ictero, cet. cuius vestigia adhuc in corpufculo fœtus post partum conspici possunt. Abortus etiam sæpe a febribus præcipue acutis, maxime contagiosis & inflammatoriis, morbis dolorificis, hysteralgia, vomitu, diarrhœa, dyssenteria, tenesmo, morbis convulsivis, epilepsiæ insultibus cet. produci, experientia est vulgaris.

§. X.

Morbi totum matris corpus adficientes in fœtum non solum agunt, sed etiam hi qui eius corporis tantum partes

B 2

aggre-

b) Rœderer Elem. art. obstetr. p. 72. §. 155.



aggrediuntur, inprimis autem partes generationi dicatas, quarum omnis mutatio præternaturalis embryoni noxam dare potest. Hæ autem inprimis sunt peluis, vterus, vagina, tubæ Fallopiæ, & ouaria; reliquæ enim partes magis ad nexum, & ad has in situ suo retinendas quam ad generationem adsunt: quædam autem harum partium mutationes præternaturales post factam jam conceptionem oriri debent, alias enim, si jam adfuissent, nulla fieri potuisset conceptio.

§. XI.

Peluis dum ex osse sacro & ossibus innominatis, hæcque ex osse ilio, ischio & pubis, composita sint, quoduis horum ossium, omniaque simul sumta, situ, nexu & figura pecare possunt, & quia in his præter hæc omnium ossium morbi, ut periosteï inflammatio, exostosis, hyperostosis, spina ventosa seu pædarthrocace, caries, cet. locum inueniunt, & hi etiam vterum grauidum afficere, fœtumque in eo contentum lædere, immo abortum ipsum producere possunt.

§. XII.

Ad vterum quod attinet, huius etiam situs, nexus, & figura minus recte se habere possunt. Ad hoc accedit, quod ille, ut pars matris membranoso-vasculoso-neruoso-glanduloso-musculosa, ad omnes illos morbos recipiendos, quibus a causa quadam eiusmodi corporis partes affici possunt, ut e. g. doloribus, spasmis, conuulsionibus, inflammationibus,

sup-



suppurationibus, schirrosa induratione, cancro, gangræna, sphacelo, nimia laxitate, vel rigiditate, cet. aptus sit, quibus foetus sanitas, incrementum, præmatura exclusio, immo vita eius ipsa terminatur.

§. XIII.

De vagina idem valet quod de vtero diximus. Quia vero foetus ordinarie in vagina non habitat, quod rarissimus quidem, interim tamen observatus casus est, huius morbi etiam non immediate agunt in foetum, sed tantum ob nexum & partium consensum. Inprimis tamen vaginæ vitia foetus exitum difficilem reddere, retardare, immo impossibilem facere possunt, vnde foetus nimis debilis fieri, & vita priuari queat. Eiusmodi autem præter alia vitia sunt nimia angustia, huiusque coalitio a quavis causa, prægressa post conceptionem vel vaginæ inflammatione, suppuratione, cet. & post neglectam, ob intempestivum pudorem, legitimam curationem, orta.

§. XIV.

Tubas Fallopianas, ovaria, harumque partes vicinas morbis supra dictis (§. XIII. XIV.) adfici posse, medicorum nemo negabit: hinc embryonis etiam sanitas & vita ab his periclitari potest. Mala harum partium conformatio, vel quævis præsens, vel sub coitu & breui post in his orta mutatio præternaturalis, foetui recens nato obesse potest. Foetus itaque tam in hac vel illa tuba hærentes demortuique, item in



ouario alterutro, vel in abdomen delapsi, & abscessu facto, per aluum putrefacti sensim sensimque excreti, cuius rei veritatem ossicula hac via eiecta probauerunt, obseruati sunt.

§. XV.

Ad matrem, quatenus hæc non solum sibi sed etiam embryoni suo nocere potest, recte eius animi adfectus nimii referuntur, inprimis quando hæc sensibilis nimis atque irritabilis est: abortus enim quando ex his oriri possunt, non dubium est quin noxam foetui etiam dare possint. A terrore itaque, timore, ira, gaudio, amore, aliisque, qui ex his animi adfectibus ortum ducunt corporis motibus, vterum partim ad contractionem proritando, partim sanguinem vehementius ad hunc determinando, placenta solutionem, hæmorrhagiam & abortus produci posse, notum est: hinc in obsessis vrbibus, & locis vbi terræ motus grauidas exanimant tot abortus obseruantur, nec non a cachinno, saltatione & a coitu recens nuptorum frequenti, in primis præcipue grauiditatis mensibus.

§. XVI.

Huc tandem matris grauidæ imaginatio pertinet, qua foetus, inprimis si animi adfectus hanc comitetur, sanitas non solum, sed etiam forma & pulchritudo quam maxime mutatur. Mirabilia sæpe sola imaginatione in foetu produci posse, in arte peritissimi acutissimique viri, nec quidquam temere credentes, agnoscunt, & fuse doctèque hanc rem, quantum fieri potest, nouissime demonstrauit Cel. Krause,

se, c) licet Cel. Røedererum, doctissimum in hac re opponen-
tem, omniaque mechanice demonstrantem habeat. v. l. c.

§. XVII.

Causam morborum foetus vel in patre, vel in matre
deprehendi supra iam diximus: videamus igitur an etiam
in foetu ipso, & quidem in eius mala conformatione, quæ qui-
dem in matre ipsa rationem iterum habere potest, latere
queat. Quando corporis foetus pars quædam præcipua,
e. g. caput, male conformatum est, secretiones quæ ibi or-
dinarie fiunt, omnesque in illo euenientes actiones raro mi-
nus recte succedunt, hinc male se habebit totum reliquum
corpus: si alia corporis pars, huius tamen ad minimum
actio, & si in illa fiat secretio, omnes ab hoc secreto fluido
pendentes mutationes. Monstra, quando hæc etiam viua
excluduntur, raro tamen sana sunt & seniores fiunt, manife-
sto documento malam conformationem sanitati & vitæ sem-
per obesse.

§. XVIII.

In foetus etiam partibus, vt placenta, funiculo vmbi-
licali, membranis quibus inclusus continetur, & liquore quo
innatat, causa morbi, foetusque præmaturi exitus latere po-
test; omnes enim hæ partes iisdem etiam morbis laborare
possunt, quibus laborant corporis nostri partes cellulosæ,
fibrosæ, nervosæ, vasculosæ, glandulosæ, membranosæ &
lymphaticæ, quibus foetus nutrimento defraudatur, debili-
tatur, vita priuatur & ad abortum sollicitatur: ad hæc acce-
dit,

c) Abhandlung von den Muttermälern. Leipzig 1758.



dit, quod placentæ situs irregularis esse, & ab eiusdem incremento aliaue causâ solui, & hæmorrhagiam efficere possit, quam summa sequitur foetus debilitas & abortus. Idem valet si funiculus umbilicalis nimis brevis, vel circa foetum varie contortus, vel circa eius collum ligatus sit.

§. XIX.

Mola etiam foetus sanitati vitæque obesse potest; namque nutrimento per hanc ille non solum defraudatur, sed alia etiam incommoda ab hac oriri possunt, e. g. hæmorrhagias sæpe efficiunt, foetum premunt, imprimis quando hæ in nimiam molem accrescunt: molas autem variam magnitudinem immo viginti librarum incrementum acquirere posse, & de tribus sine & cum foetu vna exclusis, prostant celeberrimorum virorum memoriæ proditæ observationes, d) & quod cum foetu in utero vna in magnam molem excrecere, eique noxam dare, & eius præmaturum exitum facere possint, nuperrime etiam in grauida abortiente expertus est artem obstetriciam Erfordiæ cum laude faciens D. Alix: hæc mola circiter perfecti foetus magnitudini & ponderi æquabat, & dissecta foetus rudimenta ostendebat, sed in lancem eam imponere, multo minus secum auferre, & vini spiritu conseruare, nimia mariti religiositas vetabat.

§. XX.

Res tandem externæ vel in grauidæ corpus tantum, vel in embryonem simul agentes, sanitatem & vitam foetus

d) Breslauer Sammlungen von Natur- und Medicin: Geschichten &c, Vers. XXV, p. 214. & XXXVIII. p. 406.

terminare possunt. Hæ autem iterum vel materialiter vel per matris imaginationem in foetum agere possunt. Materialiter agunt e. g. verbera in abdomen, contusiones, ictus, lapsus, venena interne sumpta, vel externe adplicata, omniaque pellentia, emmenagoga, cathartica, emetica, cet. Per imaginationis vim omnia in foetum agunt, quæ in matris sensus improuise imprimis occurrunt, quorum casus haud rari sunt, sed in medicorum scriptis vbique inueniuntur.

§. XXI.

Postquam de foetus in vtero morbis, & vnde ortum ducunt quædam in genere dixi, & ad signa quibus hi cognosci possunt progredi licet. Quum vero in vtero inclusus hæreat foetus, nulla horum alia pene sunt signa, quam quæ ex eius motu in vtero vel imminuto vel aucto desumuntur: reliqua sanitatis, morborum vel mortis foetus signa, dat matris habitus corporis sanus vel morbosus.

§. XXII.

Foetum in vtero motus edere, qui medio præcipue graviditatis tempore sentiuntur, omnium grauidarum vulgaris experientiæ res est. Quando itaque hi magis minusue percipiuntur, omnes grauidæ statim ad morbosum foetus sui statum concludunt: hinc etiam Cel. Reimann e) pro signo infallibili absentiam motus infantis in vtero demortui venditat, & Cel. Rœdererus f) examen & quomodo motus hic recte determinandus sit, indicat. Quum foetus moritur, alias sensim minutus motus cessat, alias mortem vehementissima eius-

C

dem

e) Breßlauer Sammlungen Verf. VIII. p. 752. f) l. c. p. 163. §. 372. α) β) γ) δ) ε) ζ)



dem agitatio, ex conuulsionibus agonizantis procul dubio nata, præcedit. §. XXIII.

Præter foetus in vtero motum vel auctum vel imminutum vel prorsus ablatum, ex aliis etiam a matre desumptis signis eiusdem morbi ac mors cognosci possunt. Omnis enim matris morbus grauis, foetum etiam laborare, jam indicat, & Hippocrates g) ait: "cum mortuus foetus fuerit, tum aliis signis coniiicere licet, tum etiam jubere oportet, vt modo quidem dextrum in latus jaceat, modo etiam in sinistrum conuertatur: dilabitur enim foetus in vtero quocunque se vertat mulier, velut saxum, aut aliud quidpiam, si mortuus fuerit, & pectinem frigidum habebit. Quod si viuat, pecten calidus est, & totus quidem venter, vna cum reliquo corpore, concidit, nihilque in eo absque reliquo corpore dilabitur: & alio loco h) quibus grauidis ad 7. aut 8. mensem mammarum ventrisque plenitudo derepente subsidet, mammaeque extenuantur, & lac non adparet, puerum aut peperisse, aut debilem esse, asserendum est." Lacteum e mammis serum copiose profusum, abdomen frigans & strictum, vmbilici foueam rursus adparentem, & regionem hypochondriorum laxatam Cel. Røedererus i) inter signa ponit. Ccl. Bagliuius k) vt infallibile mortui foetus indicium, ex Cœlio Aureliano, tenesimum, seu conatum ingentem feces deiicienti, huc refert. Intestino etiam recto atque vesica compressa tenesimus non solum, sed etiam vrinae incontinentia vel suppressio

g) De superfœtat. p. m. 261. h) De morbis mulier. p. 601.

i) l. c. p. 164. 165, §. 374. 378. k) Prax, med, l. 2. c. 8. p. m. 198.

pressio succedit. Faciem autem plumbeam, oculorum liuorem & depressionem, cordis palpitationem, spiritum difficilem & foetentem, capitis dolorem, oculorum caliginem, aurium tinnitum & susurrum, febrem lentam, animi deliquia, similiaque a Salmutho l) & Langelotto m) laudata signa, incertiora, quin immo fabulosa esse, adfirmat Cel. Røedererus. n)

§. XXIV.

De foetus tandem morbis præcauendis & curandis quædam proferre nobis restant. Quando omnes supra dictæ causæ tam proximæ quam remotæ euitari possent, nullo vnquam laboraret morbo foetus: quia id vero nunquam fieri potest, & actio inprimis corporum externarum omnis in matris corpus, adhibita licet omni cura, impediri nequit, præseruationis præcepta, si grauida quædam optime etiam obtemperaret, haud sufficiunt. Interim tamen diæta & regimen conueniens esse debet & venæ sectiones atque purgationes caute, si opus esse videatur, adhiberi oportet, omnes etiam se & excretiones corporisque motus & animi adfectus vt moderentur necesse est, tandemque omnem occasionem, qua morbum sibi contrahere, vel eius animi adfectus & inprimis imaginationem excitare possit, euitare oportet.

§. XXV.

Quando vero grauida præter omnem opinionem incidit in morbum, vel res externæ inopinate ita agunt in eius corpus, vt foetus sanitas aut vita in periculo versetur, relictis omnibus rebus embryoni occurrendum est. Optime autem foetui consuli potest, si matris morbos quantocyus, si fieri possit, auferamus. Medela
autem

l) Cent. 2. observ. 69. m) Ephem. N. C. Dec. I. Ann. 6. & 7. observ. 13. n) l. c. p. 164. §. 376.



autem diuersa erit, quatenus diuersis a variis causis ortis laborare potest morbis, quos omnes vero hic pertractare nimis longum foret, & ex principiis pathologicis atque therapeuticis cognosci atque his mederi debent. Periculosissimus autem grauidæ morbus semper est vteri hæmorrhagia; quia modo non semper eam sequitur abortus.

§. XXVI.

Quid vero ad malam fœtus in vtero conformationem aliaque corporis vitia attinet, hæc non in vtero, sed extra illum, si possit, auferre debent. Solet sæpe, inprimis post difficiliorem partum, tumor in hoc vel illo capitis loco adparere, qui discutientibus feliciter sanari solet: hi autem tumores qui in occipite sunt, raro sanantur, sed infantes conuulsi moriuntur. o) Deest interdum anus, vel membrana externe vel interne clausus adest, quod malum simplici sectione curauit La Motte, p) vel vestigium nullum adparet, vel intestinum rectum deest, vbi parum spei superesse videtur. Idem etiam de vrëthra valet: quando enim eius orificium non apertum est, cura quidem non est difficilis; aliquando autem vrëthræ pars omnino deficit, & tunc radicaliter hoc malum curari non potest. q) Contingit quandoque vt recens natus fœtus superflua quædam membra habeat, & quia plerumque carnea tantum sunt, filo cerato sine infantis molestia ligauit La Motte, r) vbi tales ligati quatuor digiti, intra tres vel quatuor dies ceciderunt. Idem etiam valet de eiusmodi næuis maternis, quæ secari atque ligari possunt. Quod vero ad reliquos næuos attinet, vel totum corpus vel partes externas atque internas monstrosas, hæc raro vel nunquam curantur.

TANTVM.

o) Levret. l'art des accouch. p. 212. p) Traité des Accouch l. 1. observ. 86. p. 129. q) observ. chirurg. N. 3. p. 8. r) l. c. l. 1. observ. 85. p. 129.